



**REPUBLIKA E SHQIPËRISË**  
**KOMISIONI I PROKURIMIT PUBLIK**

Nr. 2439/2 prot,

Datë 06.10.2023

**FORMULAR PËR PUBLIKIM LIDHUR ME ARSYET ME ARSYET E KUALIFIKIMIT  
TË OPERATORIT EKONOMIK ANKIMUES DHE PRETENDIMET MBI  
SKUALIFIKIMIN E OFERTUESVE TË TJERË**

**Objekt:** Shfuqizimi i vendimit të Komisionit të Vlerësimit të Ofertave për skualifikimin e ofertës të paraqitur nga operatori ekonomik “*Dea Print*” SHPK në procedurën e prokurimit “*Procedurë e hapur mbi kufirin e lartë monetar*”, me Nr. REF-75636-07-20-2023, me objekt: “*Blerje Shtypshkrime*”, me fond limit 41.477.281 lekë pa TVSH, zhvilluar më date 04.09.2023 nga autoriteti kontraktor, Posta Shqiptare SH.A.

Skualifikimin e operatorit ekonomik “KRISTALINA.KH” SHPK, pasi nuk kanë plotësuar kriterin e veçantë të kualifikimit, konkretisht: pikën 2.3.3 “KRITERET E VEÇANTA TË KUALIFIKIMIT” të Shtojcës 7 të dokumentave të tenderit të procedurës së prokurimit objekt ankimi.

**Ankimues:** Operatori ekonomik “*Dea Print*” SHPK me NIPT: L01627024F dhe me adresë: *Ndërtesë 2-katëshe, Autostrada Tiranë – Durrës, Km.4, Kashar, Tiranë.*

**Subjekte të interesuara:** Operatori ekonomik “KRISTALINA.KH” SHPK me NIPT: K11501002D dhe me adresë: *Rruga “Lord Bajron”, Laprakë, Tiranë.*

**Autoriteti Kontraktor:** Posta Shqiptare SH.A  
*Adresa: Rruga “Reshit Çollaku” Nr. 4, Tiranë.*

Në datën 05.10.2023 pranë Komisionit të Prokurimit Publik, është protokolluar ankesa me nr. 2439/2023 protokoll, e operatorit ekonomik “*Dea Print*” SHPK për procedurën e prokurimit “*Procedurë e hapur mbi kufirin e lartë monetar*”, me Nr. REF-75636-07-20-2023, me objekt:

“Blerje Shtypshkrime”, me fond limit 41.477.281 lekë pa TVSH, zhvilluar më date 04.09.2023 nga autoriteti kontraktor, Posta Shqiptare SH.A.

Nga shqyrtimi paraprak i ankesës të sipërcituar, konstatohet se objekti i ankesës lidhet me kundërshtimin e vendimit të Komisionit të Vlerësimit të Ofertave mbi skualifikimin e ofertës të paraqitur nga operatori ekonomik ankimues “Dea Print” SHPK, si dhe kundërshtimin e kualifikimit të operatorit ekonomik “KRISTALINA.KH” SHPK, pasi nuk ka plotësuar kriterin e veçantë të kualifikimit, konkretisht: pikën 2.3.3 “KRITERET E VEÇANTA TË KUALIFIKIMIT” të Shtojcës 7 të dokumentave të tenderit të procedurës së prokurimit objekt ankimi.

Bazuar në nenin 112 pika 4 gërma “b” dhe “c” të ligjit nr. 162/2020 “Për prokurimin publik”, ku parashikohet se: “Në mënyrë që ankesa të bëhet e aksesueshme jo vetëm nga autoriteti ose enti kontraktor, por njëkohësisht edhe nga operatorët ekonomikë të interesuar, KPP-ja publikon: a) ankesën e plotë në rastin e ankesave për dokumentet e tenderit; b) arsyet e skualifikimit në rastin e ankesave për vendimin e vlerësimit/klasifikimit përfundimtar; c) pretendimet mbi kualifikimin/skualifikimin e ofertuesve të tjerë duke referuar vetëm kriteret për të cilat ngrihen pretendime.”.

Sa më sipër, Komisioni i Prokurimit Publik do të publikojë arsyen e skualifikimit të operatorit ekonomik ankimues “Dea Print” SHPK, e cila kundërshtohet në ankesën me nr. 2439/2023 protokolli, datë 05.10.2023.

Konkretisht në ankesë ngrihen pretendime mbi arsyen e skualifikimit si më poshtë vijon:

### **Arsyet e skualifikimit:**

“. 2. Bashkimi i Operatorëve Ekonomik “Dea Print” sh.p.k me NIPT L0162704F dhe “Optima Communication” Sh.p.k me Nipt K71903025A me vlerë të ofertës ekonomike 29,998,000 (njëzetë e nëntë milion lekë e nëntëqind e nëntëdhjetë e tetë mijë) lekë pa T.V.SH., i cili nga shqyrtimi i dokumentacionit të paraqitur në tender rezulton që nuk i përmbush kriteret ligjore, ekonomike dhe teknike, pasi:

1. Skeda teknike e paraqitur në sistemin elektronik të APP-së për të dy Operatorët Ekonomik rezulton e papërkthyer në gjuhën shqipe si dhe e panoterizuar, fakt që bie ndesh me Dokumentat Standarde të Tenderit ku përcaktohet se: “Nëse gjuha e përdorur në procedurë është gjuha shqipe, atëherë dokumentet e gjuhës së huaj duhet të shoqërohen nga një përkthim i noterizuar në shqip.”

2. Referuar “Formularit të Vetëdeklarimit” të paraqitur nga Bashkimi i Operatorëve Ekonomik “Dea Print” sh.p.k dhe “Optima Communication” Sh.p.k, nuk rezulton që të jenë specifikuar qartë mjetet dhe makineritë e kërkuara në pikën 2.3.3 dhe 2.3.4 të “Kapacitetit teknik” të kërkuar në DST, ku konkretisht është cituar se: “2.3.3 Operatori ekonomik duhet te disponojë:

- makineri parapërgatitje CTP (linje e kompletuar –Computer to Plate);
- makineri shtypi ne rulon;
- makineri telefonimi;
- makineri për numërorator
- makineri palosëse - makine qepëse me tel

*Disponimi i makinerive te mësipërme te vërtetohet duke paraqitur fature blerje ose dokument zhdoganimi ose ne rastin e marrjes me qira duhet paraqitur kontrate qiraje të noterizuar, etj. Dokumentacioni i paraqitur duhet të përmbaje të dhëna te mjaftueshme për identifikimin e qarte te makinerive/ pajisjeve te kërkuara. Për përmbushjen e këtij kriteri ne fazën e ofertimit, operatorët ekonomikë duhet të vetëdeklarojnë mjetet dhe pajisjet që disponojnë në formularin përmbledhës të vetë deklarimit sipas shtojcës përkatëse te DST. Sqarim: Përmbushja e këtij kriteri në fazën e ofertimit do të bëhet nëpërmjet dorëzimit të formularit përmbledhës të vetëdeklarimit sipas shtojcës përkatëse të DST, siç parashikohet edhe nga pika 1 e nenit 26 të Vendimit të Këshillit të Ministrave Nr. 285, datë 19.05.2021 “Për miratimin e rregullave të Prokurimit Publik” i ndryshuar. Dokumentacioni i përshkruar në këtë pikë do të dorëzohet nga operatori i kualifikuar i pari, kjo në mbështetje të pikës 6 të nenit 26 të Vendimit të Këshillit të Ministrave Nr. 285, datë 19.05.2021 “Për miratimin e rregullave të Prokurimit Publik” i ndryshuar.”*

*“2.3.4. Operatori Ekonomik duhet të disponojë:*

*- makineri dixhitale për printimin e të dhënave variabël.*

*Disponimi i makinerisë së mësipërme të vërtetohet duke paraqitur faturë blerje ose dokument zhdoganimi ose në rastin e marrjes me qera duhet paraqitur kontrate qeraje të noterizuar, etj. Dokumentacioni i paraqitur duhet të përmbaje te dhëna te mjaftueshme për identifikimin e qartë te makinerisë/ pajisjes së kërkuara. Për përmbushjen e këtij kriteri ne fazën e ofertimit, operatorët ekonomikë duhet të vetëdeklarojnë mjetet dhe pajisjet që disponojnë në formularin përmbledhës të vetëdeklarimit sipas shtojcës përkatëse te DST.*

*Sqarim: Përmbushja e këtij kriteri në fazën e ofertimit do të bëhet nëpërmjet dorëzimit të formularit përmbledhës të vetëdeklarimit sipas shtojcës përkatëse të DST, siç parashikohet edhe nga pika 1 e nenit 26 të Vendimit të Këshillit të Ministrave Nr. 285, datë 19.05.2021 “Për miratimin e rregullave të Prokurimit Publik” i ndryshuar.*

*Dokumentacioni i përshkruar në këtë pikë do të dorëzohet nga operatori i kualifikuar i pari, kjo në mbështetje të pikës 6 të nenit 26 të Vendimit të Këshillit të Ministrave Nr. 285, datë 19.05.2021 “Për miratimin e rregullave të Prokurimit Publik” i ndryshuar.” Për sa më sipër në fazën konkrete të procedurës është e domosdoshme të ishte e mirëpërcaktuar dhe e cituar në formularin përmbledhës te deklarimit lista e makinerive dhe pajisjeve të kërkuara si dhe forma ligjore e disponimit të tyre (nëse janë në pronësi apo në marrje me qera).*

*Mosplotësimi i formularit sipas formës së parashikuar në DST e vendos Komisionin e Vlerësimit të Ofertave në një situatë të pamundur për të gjykuar më tej disponimin e ketyre makinerive në analogji me pikën 2.3.3 të DST-së. Për më tepër referuar edhe kriterit 2.3.4 të kapacitetit teknik të DST (ku kërkohet disponimi i një makinerie dixhitale për printimin e të dhënave variable), nga verifikimi i kryer nga KVO nuk rezulton që të jetë plotësuar dhe saktësuar nga BOE disponimi në njërin nga format e kërkuara në DST të kësaj pajisjeje.*

*3. Referuar pikës 2.3.5 “të kapacitetit teknik” të DST-së ku parashikohet se:*

*“2.3.5. Operatori Ekonomik Ofertues duhet të provojë se disponon minimalisht 1 makinë tip furgon në pronësi, me kontratë qiraje ose forma të tjera të parashikuara nga legjislacioni në fuqi, me afat kohëzgjatje për të gjithë kohen e vazhdimësisë së kontratës; për këtë duhet të paraqesë dokumentacionin përkatës sipas legjislacionit në fuqi. Mjeti duhet të jetë i pajisur me dokumentacion përkatës sipas legjislacionit në fuqi (certifikatë pronësie, leje qarkullimi, siguracion mjeti dhe certifikatë e kontrollit teknik të mjetit/ SGS”. Për të përmbushur kriteret e*

mësipërm në fazën e ofertimit, operatori ekonomik duhet deklarojë disponimin e fagonit në formularin përmbledhës të vetë deklaramit, sipas shtojcës përkatëse të DST.

Sqarim: Përmbushja e këtij kriteri në fazën e ofertimit do të bëhet nëpërmjet dorëzimit të formularit përmbledhës të vetë deklaramit sipas shtojcës përkatëse të DST, siç parashikohet edhe nga pika 1 e nenit 26 të Vendimit të Këshillit të Ministrave Nr. 285, datë 19.05.2021 “Për miratimin e rregullave të Prokurimit Publik” i ndryshuar. Dokumentacioni i përshkruar në këtë pikë do të dorëzohet nga operatori i kualifikuar i pari, kjo në mbështetje të pikës 6 të nenit 26 të Vendimit të Këshillit të Ministrave Nr. 285, datë 19.05.2021 “Për miratimin e rregullave të Prokurimit Publik” i ndryshuar.”

Në “Formularin Përmbledhës të Vetëdeklaramit” të paraqitur në sistemin elektronik të APP-së nuk rezulton të jetë saktësuar disponimi i një mjet transporti të pajisur me dokumentacionin e kërkuar sipas kriterit 2.3.5 të DST-së. Pavarësisht faktit së ndodhemi përballë një Bashkimi Operatorësh ku përqindja e pjesëmarrjes është 55% me 45%, nisur nga zerat e punimeve që janë marrë përsipër të përmbushen nga Operatori Ekonomik “Dea Print” sh.p.k., ky i fundit duhet të kishte deklaruar të paktën 1 (një) mjet transporti në disponim të tij. Në nenin 88, Bashkimi i operatorëve ekonomikë, të VKM-së Nr.285, datë 19.05.2021 “Për miratimin e Rregullave të Prokurimit Publik”, parashikohet: 1. Oferta mund të paraqitet nga një bashkim operatorësh ekonomikë, sipas përcaktimit të pikave 2 dhe 3, të nenit 14, të LPP-së, ku njëri prej të cilëve i përfaqëson të tjerët gjatë procedurës dhe, në rast përzgjedhjeje, edhe gjatë zbatimit të kontratës. Në ofertë duhet të përcaktohet pjesa e shërbimit, punës ose furnizimit, që do të kryejë secili nga anëtarët e këtij bashkimi nëpërmjet një kontrate bashkëpunimi të hartuar ndërmjet palëve. 2. Anëtarët e bashkimit të operatorëve ekonomikë caktojnë në kontratën e bashkëpunimit ndërmjet tyre përfaqësuesin e tyre për dorëzimin e ofertës. Kjo kontratë bashkëpunimi duhet të dërgohet së bashku me kualifikimet dhe ofertën ekonomike, e cila duhet të nënshkruhet nga përfaqësuesi. Përfaqësuesi duhet të bëjë edhe sigurimin e ofertës, duke specifikuar pjesëmarrjen në bashkimin e operatorëve ekonomikë. 3. Secili prej anëtarëve të këtij bashkimi duhet të përmbushë kërkesat e parashikuara në nenin 76, të LPP-së, dhe ato të përcaktuara në dokumentet e tenderit. Kërkesat për kualifikim: ekonomike, financiare, profesionale dhe ato teknike, duhet të përmbushen nga i gjithë bashkimi, në përputhje me përqindjen dhe/ose natyrën e pjesëmarrjes në punë, shërbim apo furnizim, të përcaktuara në aktmarrëveshje. Kur oferta paraqitet nga një bashkim operatorësh, kushti i përcaktuar në shkronjën “a”, të pikës 5, të nenit 39, të këtyre rregullave, plotësohet nga anëtari, i cili ka përqindjen më të madhe të pjesëmarrjes në bashkim. Anëtarët e tjerë të bashkimit do të paraqesin kontrata të ngjashme, në raport me përqindjen e pjesëmarrjes së tyre në bashkim. Në rastin kur operatorët ekonomikë, anëtarë të një bashkimi, kanë të njëjtën përqindje pjesëmarrjeje në bashkim, vendosin me marrëveshje në kontratën e bashkëpunimit se cila prej tyre do të përmbushë këtë kusht.

Referuar sa më sipër, Kërkesat për kualifikim: të “Dea Print” sh.p.k me NIPT L0162704F dhe “Optima Communication” Sh.p.k me Nipt K71903025A nuk përmbushen nga i gjithë bashkimi, në përputhje me përqindjen dhe/ose natyrën e pjesëmarrjes në furnizim, të përcaktuara në aktmarrëveshje.

4. Referuar “Specifikimeve Teknike” të kerkuara në DST nga Autoriteti Kontraktues rezultojnë këto mangësi:

→ Modeli P6/1, Deftesë pranimi, konfirmim marrje objekti ekspres të brendshem, sipas specifikimeve teknike, duhet te jete 220x100 mm, ndërkohë pas matjeve rezulton të jenë 220x95mm, që janë dhe jashtë tolerancës së lejuar nga AK.

→ Modeli SP2, Regjistër I Deftesave të Pranimeve të objekteve postare zyrtare, ku ne DST përcaktohen përmasat 170x210 mm, pas matjeve konkrete rezultojn të jetë 170x200mm, jashtë standarteve përfshirë edhe tolerancën 3% të përcaktuar nga AK. Në zbatim të nenit 92, pika 3 të Ligjit Nr. 162, datë 23.12.2020 “Për Prokurimin Publik”, ku parashikohet se: “Autoriteti ose enti kontraktor, në zbatim të pikës 4 të këtij neni, vlerëson një ofertë të vlefshme vetëm nëse ajo është në përputhje me të gjitha kërkesat dhe specifikimet e përcaktuara në njoftimin e kontratës dhe në dokumentet e tenderit, pa rënë ndesh me përcaktimet e nenit 38 të këtij ligji. Oferta konsiderohet e vlefshme edhe nëse ajo përmban devijime të vogla, të cilat nuk ndryshojnë thelbësisht karakteristikat, kushtet dhe kërkesat e tjera, të përcaktuara në dokumentet e tenderit, gabime shtypi, të cilat mund të korrigjohen pa prekur përmbajtjen e saj, si edhe ato të lidhura me informacionet që merren lehtësisht nga dokumente faktike, që tregojnë gjendjen e operatorit ekonomik në kohën e ofertimit”, rezultojn që oferta e mësipërme nuk kualifikohet.”.

Gjithashtu Komisioni i Prokurimit Publik publikon kriteret të cilat operatori ekonomik ankimes “Dea Print” SHPK, pretendon se nuk përmbushen nga operatori ekonomik “KRISTALINA.KH” SHPK pjesmarrës në procedurë.

Konkretisht në ankesë ngrihen pretendime mbi mospërmbushjen e kriterit kualifikues nga ana e operatorit ekonomik “KRISTALINA.KH” SHPK si më poshtë vijon:

## **“2. KRITERET E VEÇANTA TË KUALIFIKIMIT**

### **2.3 Kapaciteti teknik:**

#### **2.3.3 Operatori ekonomik duhet të disponojë:**

- makineri parapergatitje CTP (linje e kompletuar –Computer to Plate);
- makineri shtypi ne rrulon;
- makineri celefonimi;
- makineri per numerator
- makineri palosëse
- makine qepëse me tel

Disponimi i makinerive të mesiperme të vertetohet duke paraqitur fature blerje ose dokument zhdoganimi ose në rastin e marrjes me qira duhet paraqitur kontrate qiraje të noterizuar, etj.

Dokumentacioni i paraqitur duhet të përmbajë të dhëna të mjaftueshme për identifikimin e qarte të makinerive/ pajisjeve të kerkuara.

Për përmbushjen e këtij kriteri në fazën e ofertimit, operatorët ekonomikë duhet të vetëdeklarojnë mjetet dhe pajisjet që disponojnë në formularin përmbledhës të vetëdeklarimit sipas shtojcës përkatëse të DST.

**Sqarim:** Përmbushja e këtij kriteri në fazën e ofertimit do të bëhet nëpërmjet dorëzimit të formularit përmbledhës të vetëdeklarimit sipas shtojcës përkatëse të DST, sic parashikohet edhe nga pika 1 e nenit 26 të Vendimit të Këshillit të Ministrave Nr. 285, datë 19.05.2021 “Për miratimin e rregullave të Prokurimit Publik” i ndryshuar. Dokumentacioni i përshkruar në këtë pikë do të dorëzohet nga operatori i kualifikuar i pari, kjo në mbështetje të pikës 6 të nenit 26 të Vendimit të Këshillit të Ministrave Nr. 285, datë 19.05.2021 “Për miratimin e rregullave të Prokurimit Publik” i ndryshuar.

*Autoriteti kontraktor ne cdo rast i lind e drejta të verifikojë disponimin e makinerive/pajisjeve pranë vendndodhjes se makinerisë/pajisjes të deklaruar nga ofertuesi.”.*

Publikuar në regjistrin e ankesave më datë 06.10.2023.

### **KOMISIONI I PROKURIMIT PUBLIK**

**Nënkryetar**  
**Fiorent Zguro**

**Anëtar**  
**Kreshnik Ternova**

**Anëtar**  
**Anila Malaj**

**Kryetar**  
**Jonaid Myzyri**